

高要縣志卷四

輿地畧二 戶口 風俗 物產

戶口

國初至康熙十一年戶一萬四百十六口二萬二千

八百二十九舊志

康熙十一年至四十年口二萬二千八百三十五

雍正九年至道光三年口三十四萬三千九十三

縣冊

附考

蒼梧郡縣十戶二萬四千三百七十九口十四萬

高要縣志 卷四 輿地畧二

六千一百六漢書地理志

蒼梧郡十一城戶十一萬一千三百九十五口四

十六萬六千九百七十五續漢書郡國志

蒼梧郡統縣十二戶七千七百晉書地理志

南海郡領縣十戶八千五百七十四口四萬九千

一百五十七 新寧郡領縣十四戶二千六百五

十三口一萬五百一十四 宋熙郡領縣七戶二

千八十四口六千四百五十宋書州郡志

信安郡統縣七戶一萬七千七百八十七隋書地理志

端州開元戶八千一百五十二元和戶一千七百



九十五元和郡縣志

端州舊領縣二戶四千四百九十一口二萬四千

三百三舊唐書地理志

端州縣二戶九千五百口二萬一千一百二十新唐

書地理志

端州戶主二百二十三客六百二十太平寰宇記

端州縣二戶主一萬一千二百六十九客一萬三

千八百三十四元豐九域志宋史地理志同

肇慶路領縣二戶三萬三千三百二十八口五萬

五千四百二十九元史地理志

高要縣志 卷四 輿地畧二

明洪武十四年編置戶帖高要戶三萬七十一口一

十一萬二千四百七十一獐戶五十一蛋戶八百

成化間戶二萬四千五百八十蛋戶一百八十至

萬歷初僅一萬六千六百二十九口四萬七千三

百三十二舊志

案歷代戶口史惟記郡不記縣然以今境所得之縣考之畧可意率至

國朝編征之制別具經政畧此志男女生齒之數而

已

風俗

地當兩廣衝要民重渦塘麓園海錯果實清一統大

志衣冠文物頗近會城習尚簡質器用無華魚米

蔬果足以自給鄉民愚樸輸役稍疲每為奸人齟

齟胥卒操切府志

迎春日太守率僚屬迎春於東郊府志競看土牛或

灑以菽稻名曰消疹啖生菜春餅以迎生氣元日

禮神賀節郝氏通志羅設果酒粉餌送香於壇廟親友

相厚者攜節物致敬數日乃已舊志上元觀燈或作

鞦韆百戲通志以花爆相勝童子擊小鼓相應謂之

柏鼓鄉落亦然舊志十六夜避人擷園蔬曰偷青探訪

高要縣志 卷四 輿地畧二

冊城中婦女出遊謂之走百病春社釀錢祀神秋

社亦然舊志祭社分肉小兒食之使能言入社後田

功畢作通志清明門前插柳並戴於鬢髻府志一月中

掃墓郊行謂之踏青以楮置墳上曰壓繙宗孫盛

者堆積如雪嶺南雜記夏至烹狗以厭陰氣探訪冊端午

饅角黍飲菖蒲酒鏤艾虎朱書符為兒女佩通志競

龍舟視先後為勝負七夕曝衣書入夜女兒乞巧

請紫姑舊志家汲井華水貯之以備酒漿曰七夕水

十四日盂蘭盆會剪紙為衣以祀先通志謂之鬼節

中秋賞月舊志以月餅相餽餉兒童拾瓦礫砌浮屠

空其中實薪焚之謂之燒梵塔府志重陽登高放紙

鳶十月朔日以五斂雜芥菜食云辟寒氣郝氏冬通志

至日記祖先燕飲食魚膾十二月二十四日為小

年夜祀竈掃舍宇除夕易門符具香燭設饌祀先

燒爆熟炬舊志聚飲曰團年圍坐達旦曰守歲相饋

以物曰饋歲郝氏通志以語言美惡卜周歲吉凶謂之

聽讖府志每歲冬月盛為法事謂之禳災又謂之保

境作紙船鼓吹送之江舊志

冠禮謂之上頭採訪冊率臨娶始冠郝氏通志昏禮合巹

聚親屬饗壻及婦謂之煖房飯質明子婦見家廟

高要縣志

卷四

輿地畧二

四

及父母親屬獻幣帛悅履娶婦後多異爨生子宴

親屬謂之薑酒喪禮朝夕衰經號泣享奠舊志奠用

七至七七而止親戚誄弔主人致報謝尚佛事有

識者亦為之祭禮設主於正寢今多立祠堂置祭

田春秋二分及冬至廟祭遵朱子家禮小村落亦

有祖廳歲時薦新郝氏通志

語諺肇慶有西水自廣西來每歲夏至後淫雨暴

漲諺云水浸釣魚臺上下不得來釣魚臺峽中山名又云

西水漫漫魚蟹滿盤靜志居詩話

縣境高山大川風氣峭直音亦類之語有三日官

語曰鄉語曰猗語官語惟城郭之人及鄉人有識者能之猗語近山之人亦喻焉其餘悉以鄉語十里之外卽稍異其音重以急亦有有音無字有字而轉其音者然皆明白易曉與官語相近遊宦行旅皆能以意逆之

舊志

人自稱曰儂與吳近稱外祖父曰公低外祖母曰

婆低子女晚生者多名曰孺

盡子也賴平聲

或曰魁

尾子也音

米貴而故賤其名使易育曰狗仔美人之貌曰醜

呼顛者曰廢

郝氏通志

謂婿曰郎家女巫曰鬼魁

廣東新語

案廣東新語載土言多有所本其可通于

高要縣志

卷四

輿地畧二

五

高要者並錄於此謂平人曰獠北史周文帝討諸獠以其生口爲賤隸謂之壓獠威壓之也謂平人之妻曰夫娘夫娘之稱頗古劉宋蕭齊崇尙佛法閣內夫娘令持戒是也謂父曰爹南史始興王民之爹是也謂子曰崽水經注弱年崽子是也謂舅曰家公賈誼曰與公併倨列子曰家公執席是也縫衣曰敕書曰善敕乃甲冑是也謂欺曰到史記張儀曰不如出兵以到之索隱曰到欺也是也謂橫恣者曰蠻又曰蠻

澄銀銀劉銀澄龔澄樞也言其不循法度
若此二人也搖櫓者曰事頭宋書蕭惠開
有舫十餘事力三百人事頭者事力之首
也走曰趨取詩趨趨阜蝻之義謂猥獯者
曰魁擢出賈誼哀時命篇卽詩之虺隤也
泗水曰游南州異物志贊合浦之人習水
善游是也數食籬曰幾頭晉元帝謝賜功
德淨饌一頭是也數檳榔曰幾口亦曰幾
子陸倕謝安成王賜檳榔一千口陳少主
嘗敕施僧智顛檳榔二千子是也數蕉子
曰幾梳蘇軾詩西鄰蕉子熟時致一梳黃
是也禽之窠曰鬪范石湖云雌雄曰一鬪
十鷄併種當得六鬪是也

物產

金類

銀端州土貢銀

新唐書地理志

高要沙利一銀場

元豐九域志

鐵高要浮蘆一鐵場

同上

石類

端石產羚羊峽距郡東三十里石類瑛功東西與
扶輿之脈所蘊也

端硯考

水巖凡四洞以出自大西

洞者為佳大西洞石三層中層則石之腴也大西洞說

石說純深秀嫩一片真氣如新泉欲流又如雲霞氤

氲溫柔長煖體重而輕質剛而柔磨之寂寂無纖

響按之若小兒肌膚温軟嫩而不滑秀而多姿握

之稍久掌中水滋廣東新語扣之則其聲沉著日光照

耀無影大西洞說著水研墨則油油然與墨相戀墨

愈堅者其戀石彌甚硯考上層質純而豔色微紫

下層質淡而細色近白硯說其瑩潔無疵畧衆美而

色較青名曰天青色此蓋大西洞中層稍上之石

大西洞硯石說石文以青花微細如塵隱隱浮出或如蟻

高要縣志 卷四 輿地畧二 七

虱脚者為上蓋石細極乃有青花青花者石之精

華也外有若硃砂點者水氣滌折如一道川流者

圓文如水花珠湧有層數者拖綠纖長如玉帶者

黃若絲縷名金錢者火捺紫氣迴薄又如血暈散

開有若雲霧之氣或小而圓輪若金錢者蕉葉白

純白成大片者廣東新語或有銀線有鴿鶴眼有水波

冰裂紋亦大西洞之美者大西洞硯石說又下麻雀斑紋

成魚凍或如唾涎亦有眼眼中瞳含沙多脫去下

此為底板石云端硯考

案宋端溪硯譜云自江滑登山行三四里

卽爲硯巖先至者曰下巖有泉出焉上曰中巖又上曰上巖轉山之背曰龍巖巖乃唐取硯之所山下稍東至半邊山巖沿溪而上曰半穴龍巖石以下巖爲上巖有兩口其中通爲一穴大者取硯所自出水中者泉中水所自出故號水中陳公密所開高兆端硯考云峽將盡岸南山坎有洞書宋治平四年差太監魏某重開土人名曰巖仔坑旁有塚相傳開鑿中虛崩閉數百人太監死焉守土者葬其冠服於此坑下

高要縣志

卷四

輿地畧二

八

據一說則唐宋端石皆非今水巖高氏又言巖仔坑東有小山圓阜下爲水坑折上數十武有萬厯二十八年差督理珠池市舶內官監太監李鳳開坑封坑月日立石舊制把總一員專轄守坑律令盜坑石比竊盜論永樂宣德開坑未幾俱罷去崇禎末熊文燦總督兩廣指揮蘇萬邦藏石工於江西緼火中夜開坑不敢白日中今飛鼠巖有宣德七年採硯鐫記巖在水巖之右高氏謂東洞西側深處則宣德以前所取亦非水巖日飛鼠巖誤

惟萬曆二十八年石刻在水巖上如高氏

所云刻內太監李下無鳳字語在金石畧則水巖蓋萬曆始

開也通志謂昔人論端石者言人人殊皆

由以耳為目莫辨真贗惟兆親至端溪其

言頗為詳確然披山腹割石髓即生長斯

土非好事者不能盡知高氏之言亦不免

以耳為目今於諸家所論據其合者而列

水巖各洞於後並以諸巖附焉

水巖大西洞石色青質細潤凝結頂石不

微紫青花隱隱細如鷺絨青花結鮮活勝

三層而畧散渙有蛤肚花老色翡翠少眼

高要縣志

卷四

輿地畧二

九

三層純青青花小如蠅虱脚蕉白微青嫩

滑浮活中藏小青花青花結凝聚不散眼

青色暈四五層每層微有淡墨圈界銀睛

如銀或黑睛如漆魚腦凍浮動活現冰裂

紋潔白如蛛網縱橫布密臙脂紋鮮紅如

血皆他洞所無唯五色藏白梅花釘金銀

線縷及眼之睛暈與小西洞同白

小西洞石色青質細嫩鬆秀二層天青色

有鐵釘紋餘與大西洞二層同但不凝結

耳三層蕉白魚腦純青不紅無蕉白內藏

大西洞三層同但稍破碎耳

正洞石色紫質堅結多小點黃陷如拔去

層始有蕉白亦微紫眼少畧黃而睛黑無

光惟水深處有冰裂紋與大西洞同有玉

點玉帶朱砂釘餘皆不同無五采釘

而別有泥線黃龍麻雀斑針嘴砂

東洞石

色紫微黃質畧鬆浮不純結眼暈四五層畧黃而睛暗黑二層青花

畧粗有青花結亦粗三層始有蕉白魚腦俱作黃色或如泥色無五采釘惟玉點數

種與三洞同餘皆異泥線數種與正洞同餘亦異近多泥氣作蒼黃色今不取

水巖洞仔

層有青白帶灰色質不甚結少眼二層青灰色并青花三層蕉白

魚腦與小西洞畧同但俱帶灰色

廟尾

色帶紫青花亦帶紫眼黃白如

象牙色三層始有蕉白亦帶紫色今不取

拱蓬

多魚凍蕉白有暈紋皆帶

古銅色無大西洞三層之淨白

諸巖附載

峽南諸巖飛鼠巖

果盒絡巖

坑仔

巖不分層凝結成團眼青色暈七八重黑睛活現勝西洞有青花蕉白及蕉白內

高要縣志

卷四

輿地畧二

十

藏青花似大西洞而畧帶微紅無天青色無砂釘水線石旁蟲蛀朽壞欲傾積水不

乾石工

宣德巖久廢

耳環圈巖

取不

錦雲端

軟石泮巖

性軟色微白天青色者畧有青花佳

者有青

硬石泮巖

性硬色微紫內有天青色及青花結者與

軟石泮巖同底板下隔軟砂一層砂下又結石厚二寸許色青白細滑與軟石泮巖

同

黃蚓屎巖

白蟻巢巖

打木

棉蕉巖

在石壁中路甚險石工以打木棉蕉子擬之火捺蕉白魚凍俱細嫩

惟橫赤紋密密相間不離分許間有淨者無異大西洞然甚少

龍尾青

巖不

朝天巖

天青色與水巖小西洞二層同無細青花而有青花

結結內有白點蕉白畧燥無眼今多鐵線紋故不取

薤菜塘巖

青點巖色與朝天巖同惟眼薄無藤

菜花巖取不蓬蘽魚巖取不杉蓬巖取不

菱角肉巖或內藏青花結然甚少火捺亦

多而散 屏風背巖 石梯巖 檫木根巖

麻子坑乾隆初年石工陳麻子開色比

者畧大於水巖睛或黑或白黃龍蕉白魚

凍俱帶青色青花稍粗長天青畧帶紅而

內有青化惟蕉白內無之扣之亦無聲

峽北諸巖七稔根取不龍爪巖色帶青白

蕉白魚凍鮮豔似水巖火捺紫黑堅硬石

面白筋縱橫纏絡而非冰紋銀線以淨者

少今不取 朝敬巖以石工得名卧鑿

高要縣志

卷四

輿地畧二

十二

北嶺諸巖牛耳巖 綠石巖 蟾蜍坑純天

青細嫩有水線紋可混水巖二層之天青

色惟五采釘中雜紅色硃砂釘微雜無青

花 將軍腦巖 宋坑色紫紅質粗細不

渴燥且有金星又有宋公坑在宋坑 結

西另為一坑石亦相似今皆名宋坑

白巖 陳坑巖 嶺仔嘴巖 梅花巖

塘竇坑色青紫其質細嫩蕉白畧黃青花

無異者但石質鬆浮不 結寔非細視不能辨也

沙浦西岸村蘇坑色青質粗扣之作金聲

點麻雀斑畧紅火捺畧黑白玉點畧粗散

而不圓潤三層天青有青花畧粗而浮無

青花結蕉白內藏 大坑頭近日始開可

小湘峽蒲田坑

宋崇水黃坑

唐李賀端州紫石歌端州石工巧如神踏天磨刀
割紫雲傭剗抱水含滿唇暗灑萋宏冷血痕紗帷
晝暖墨花春輕溫漂沫松麝薰乾膩薄重立脚勺
數寸光秋無日昏圓毫促點聲靜新孔硯寬頑何
足云

宋蘇軾端石硯銘千夫挽縷百夫運斤篝火下繼
以出斯珍一噓而液歲久愈新誰其似之我懷斯
人與墨為入玉靈之食與墨為出陰鑑之液懿矣
茲石君子之側匪以玩物維以觀德

銀星石出小湘峽質堅不發墨蓋碑材也

花石出城南隔江製為屏文如雲霞俱舊志

案此即神符巖石

高要縣志

卷四

輿地畧二

七

錦石出高要峽細潤可為硯亦發墨嶺南雜記

案此即錦雲端石

白錦石出七星巖有山水草木雲氣物象土人琢

為屏風為床榻為香几為插屏或倣高麗製為燈

極明亮同上不讓大理石但微脆耳廣東新語

白端石出七星巖石理細潤而堅不發墨土人琢

為硃硯及几案盤盂之類其質理粗者為柱礎其

最白者碎為粉婦女以之傅面名早粉

綠端石出羚羊峽亦有水坑旱坑之別水坑琢為

硯潤而發墨旱坑為玩好之器

案亦出北嶺及小湘峽頂湖山皆旱坑

五道石亦產羚羊峽以粗細分爲五道治研者以

第一道石磨之以次遞磨至第五道而硯成第一

二道無異礪石下石如泥三四道石其質細而不

傷硯至第五道水乳交融如蠟塗熱釜而硯面無

絲毫磨礪之跡矣俱舟車見聞錄

聖土出官棠山瑩白細膩若鉛粉舊志

草類

風藥產七星巖叢生石隙其葉圓厚和酒嚼之治

風疾一曰風草亦曰風葉諺曰風病須風藥此不

高要縣志

卷四

輿地畧二

十三

死之草也廣東新語

山臙脂產端州山間有花叢生葉類藍正月開花

似蓼土人取含苞者爲燕脂粉亦可染帛如紅藍

北戶錄

石仙桃蔓生石壁葉小而厚如半瓣桃仁無花治

癆瘵舊志

穀類

嘉禾頂湖白雲寺當山之正麓寺右溪向產嘉禾

粒穀雙米廣東新語

菜類

鷓鴣菜出高要府志

黃芽白菜歲購種於天津種城東麥仔園者可擬

北產他所則變採訪冊

花類

荷花七星巖西有仙掌峯峯下有湖曰黃塘相連數塘爲一廣百餘頃野生荷花菱芡之屬甚衆以水深蓮莖長至二丈棹歌有云一丈蓮莖二丈花枝枝高過釣魚槎又云蓮花二丈穿蓮葉蓮葉雖長不及花廣東新語又有野藕花瓣稀而紅與葉錯生不相倚藕瘦節疎產金西野塘採訪冊

高要縣志

卷四

輿地畧二

十四

春海棠出羚羊峽與秋海棠相似亦香而葉大有毛葉面紅綠色有細白點如粟甚多背紅紫如古番錦莖淡紫而長

木棉蕾似辛夷而厚作深紅金紅二色望之如億萬華燈燒空盡赤子有棉飛空如雪然脆不堅韌可絮而不可織舟自牂牁江而上至端州夾岸皆是身長十餘丈直穿古榕而出千枝萬條如珊瑚琅玕叢生花垂至地其落而隨流者又如水燈出沒染波欲紅自春仲至孟夏連村接野無處不開誠天下之麗景也

四季桃出七星巖

桂爛柯山乃桂源第二峯有樹生附石非椒非榕

冬月作白花甚香蓋茲源之桂云俱廣東新語

弔鐘花出頂湖山府志木本花紅白色形如鐘皆下

垂無仰口者每簇九花惟頂湖所產每簇十二花

通志

蝴蝶花蔓生攬江村古榕上葉如屋遊稍大借樹

為體連延不知起訖樹杪莖絲流蘇四垂五六月

開黃花跗三歧萼三出近莖端則一數朵為簇長

條從風若蝴蝶羣飛相傳明季鄉人彭士奇官河

向要縣志

卷四

輿地畧二

十五

南家人攜種歸冒此樹鄰曲屢接皆不生採訪冊

果類

荔枝有譚世祥蓋卽以種樹人姓名名之種與常

殊通志

案此出水坑村比黑葉荔差小每顆近蒂

綴小荔如半菽殼有黑點殼內衣淡紅色

肉白微黃作玫瑰花香止一株生石臺曰

石臺譚世祥鄉人接其枝僅有生者味稍

遜水坑又有荔曰周紹玉狀類火山荔味

頗擬譚世祥近核尖則肉白而澀亦作玫

瑰花香而稍有蜜氣相傳紹玉宦於閩移種歸植

柑皮厚有粗點及近蒂起饅頭尖者最美產高要

新興者良桔絕類柑粵中見聞歲之正月廣利墟賣柑

橘秧者數十百人其土良其柑甜美其種散往他

處者味迥殊以故居人擅其利廣東新語

香櫞一曰枸櫞以桂林鄉爲上同皮若橙柚而光

澤肉甚厚色白如肪攜大蒜淹其蒂香更充溢以

其汁浣葛苧更勝酸漿粵中見聞

佛手柑有單拳有合掌狀不一花開卽見其子於

高要縣志

卷四

輿地畧二

十六

蓋中然亦鬆虛無味惟香芬大勝香櫞經久不歇

廣東新語

案今出水坑村實近蒂畧束身楞通於指

歧出四周中復擎小佛手他處移種則變

香櫞大而無指老又變爲柚卽不變而形

狀必缺而不備

蓬生果名乳瓜土人又名木瓜樹高一二丈如椽

欄葉如蒲葵近頂節節生葉生瓜大類木瓜微有

楞肉白多脂而無核搯之乳隨指出醬食甚脆子

如蠶矢二月下種一年則高數年果少則伐之樹

膚可食嫩如蘿蔔亦可醬食肇慶有之嶺南雜記

芡實生水中花開向日至秋作房如鷄頭結實其

中圓白如珠肇慶野塘多產粵中見聞

案產瀝湖者房大如斗服食家呼為肇實

木類

頂湖茶端州白雲山頂有湖僧於巖際種茶歲收

石許烹之作素馨花氣味甘淡而滑稱頂湖茶然

不恒得

榕明僉事劉洵者自高要南岸至新興令里胥分

地植榕遣官以時驗勤怠至今樹存者大十圍

高要縣志

卷四

輿地畧二

十七

泡木千百成行出於江海埭沙水間乃無始以前

之木質不朽爛火之不然漁人斲之以繫罟網尙

其性甚浮故也高明高要有之俱廣東新語

器用類

蕉布其蕉不花不實沿山溪種之老則斬置溪中

揉其筋織為布亦有粗細產廣利寶查等村者佳

郝氏通志

通草蓆廣東新語蒲蓆嶺南雜記皆芷也採訪冊芷夫王爾雅釋草

似莞蘭郭璞注生蘿芳温貫垠鶴諸村坑田者良他

所窪田種者質粗薄入用甚劣採訪冊兩歲一刈利

倍秔稻舊志婦女搗織為席以金渡村為上水邊涌

口鎮州諸村次之其紋有花闌卍字採訪冊細滑勝

於他處名賽龍鬚嶺南雜記

陶器白土窰多為缸甕缶罍之屬遍給百越舊志

石器黃江居民五百餘家其琢紫石者半白石錦

石者半紫石以製硯白石錦石以製屏風几案盤

盂諸物歲售天下踰萬金廣東新語黃江村出細沙如

塵他處所無取磨石器猶五道石之治硯也通志

竹器出新橋諸村府志

鱗介類

高要縣志

卷四

輿地畧二

十八

嘉魚形如鱒嶺表錄異其頭如鼠鱗中有脂以豕膏炙

之光明如珠通志為魚中第一廣魚無味此魚出自

石穴蓋食乳水故肥美嶺南雜記孟冬大霧始出出必

於端溪高峽間其性潔不入濁流嘗居石巖食苔

飲乳以自養霜寒江清潮汐不至乃出穴噓吸雪

水在粵中大小湘峽者以十月出穴三月入穴西

水未長則四五月猶未入穴廣東新語

案粵中見聞云四會地方白蕩有柔鱗肥

甲如水晶者亦謂嘉魚虞衡志云梧州火

山嘉魚狀如小鱒魚皆與高峽者異惟嶺

表錄異載戎城縣江水口嘉魚形如鱒者
相似新語謂蜀中丙穴嘉魚畏寒而喜熱
三月出穴十月入穴粵嘉魚則畏熱喜寒
今長利溪亦有之然不常得

鱒魚多產端州以春時出浮陽見日則眩漁者輒
於陽處取之一曰鱒龍魚長至丈有甲無鱗魚之
至貴者也

魚花自封川江口至羚羊峽口皆有魚花步當日
落時望某方電脚高則知某方無雨某江之水不
長某方電脚低則知某方有雨某方之水長長則

魚花至矣西南爲南寧左江水多土鯿正西爲柳
州右江水多鱸鯨西北爲桂林府江其水多草魚
草魚者鮠也魚花以此四種爲正夜分西望電光
卽知魚苗來自何江至以何日柳慶越三旬兩旬
南寧則兩旬旬半餘各遲速有差或電光遠則知
過阡門不來矣清明後雷雨大作魚孕育乘潦流
下其種柳慶爲上南寧次之鬱桂又次之富賀又
次之以芋布爲最會尾爲一木筐而無底半浮水
上魚花從罾至筐乃杓於船中盛以白磁方微未
如針已辨爲某魚揀爲一族其浮而在盤上者鱒

也在中者鱸在下者鰕最下則鯿也

天蝦色白西江多有之狀如蛺蝶四五月間從空飛入水化而為蟲黃魚食之而肥名黃魚蟲漁人取其未化者炙食之云味甘美或以為蝦所化以其自天故曰天蝦

飛走類

五色蝙蝠生七星巖黑洞中遊人以火入多見之

俱廣東新語

石羊出高要山中似羊而高大長角耳厚於羊一

孔三毛服用柔而能久舊志

高要縣志

卷四

輿地畧二

二十

騰豺出騰豺山以其捷於騰樹故名同騰豺山太

平寰宇記作騰豺狀類猴頭正方髮長尺許覆其

面欲有所視輒搖頭以手披之上樹甚捷粵東無

豺狼惟此嶺有之舟車見聞錄

附

縣境全圖

分圖一

分圖二

分圖三

分圖四

分圖五

分圖六

分圖七


高要縣志

卷四 輿地畧二

二十二

縣境全圖

每格方
十里



北
廣



廣寧界

界會四

分圖二
每格方
十里

水

高要縣志

卷四

輿地畧二

二十三

西

水灣大

水湖小



圍岸南

高要縣志

卷四


輿地畧二

二十五

分圖四

每格方
停十里

東



北

南

高要縣志

卷四

輿地畧二

二下七

分圖六
每格方
停十里


北



東

南

西



東安界

新興界

界興新 界明

高要縣志

卷四

輿地略二

二十八

分圖七

每格方
傳十里

